



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՂԵԿԱՎԱՐ

0010, ք. Երևան-10, Մ. Մկրտչյան 5.
Հեռ. 56-61-85. Ֆաքս 52-65-77
Էլ. փոստ: secretariat@mineconomy.am
Վեբ կայք: www.mineconomy.am

№ 04/30. 6/2824-12
« 06 » 06 2012 թ

Ձեր № _____

ԻՆՖՈՐՄԱՑԻԱՅԻ ԱԶԱՏՈՒԹՅԱՆ
ԿԵՆՏՐՈՆ ՀԿ ՆԱԽԱԳԱՀ
ՏԻԿԻՆ ՇՈՒՇԱՆ ԴՈՅԴՈՅԱՆԻՆ
Ք. ԵՐԵՎԱՆ, ԲՈՒԶԱՆԴԻ 1/3, 4-ՐԴ ՀԱՐԿ

Հարգելի տիկին Դոյդոյան

Ի պատասխան Ձեր 2012 թվականի մայիսի 29-ի N 171-ի 7 գրության հայտնում եմ հետևյալը.

Հայաստանի Հանրապետության էկոնոմիկայի նախարարության աշխատակազմի լիցենզավորման և թույլտվությունների գործակալությունը ստեղծվել է Հայաստանի Հանրապետության կառավարության 2010 թվականի հոկտեմբերի 28-ի N 1461-Ն որոշմամբ:

Համաձայն «Քաղաքացիական ծառայության վարձատրության մասին» ՀՀ օրենքի 13-րդ հոդվածի 1-ին և 4-րդ մասերի 2011 թվականի ընթացքում լիցենզավորման և թույլտվությունների գործակալության աշխատակիցները քաղաքացիական ծառայողների պարգևատրման ֆոնդից ստացել են պարգևատրում: Քաղաքացիական ծառայողների պարգևատրման ֆոնդը հաշվարկվում է այդ մարմնի քաղաքացիական ծառայողների՝ պետական բյուջեով նախատեսված աշխատավարձի տարեկան ֆոնդի նկատմամբ տոկոսային արտահայտությամբ, որը սահմանվում է հաջորդ տարվա պետական բյուջեի մասին օրենքի առանձին հոդվածով: «Քաղաքացիական ծառայության մասին» ՀՀ օրենքի 4-րդ հոդվածի 1-ին և «Քաղաքացիական հատուկ ծառայության մասին» ՀՀ օրենքի 4-րդ հոդվածով նախատեսված բոլոր մարմինների համար քաղաքացիական ծառայողների պարգևատրման ֆոնդը հաշվարկվում է միասնական տոկոսային դրույքաչափով:

2011 թվականի ընթացքում լիցենզավորման և թույլտվությունների գործակալության աշխատակիցները քաղաքացիական ծառայողների աշխատավարձի ֆոնդի տնտեսված միջոցների հաշվին ստացել են նաև եռամսյակային պարգևատրումներ՝ քաղաքացիական ծառայողին պաշտոնում նշանակելու իրավասություն ունեցող անձի կողմից (ՀՀ էկոնոմիկայի նախարարի և նախարարության աշխատակազմի ղեկավարի):

Տեղեկացնում եմ նաև, որ լիցենզավորման և թույլտվությունների գործակալության աշխատակիցները նվերներ չեն ստացել:

Հարգանքով՝

ԷՄԻԼ ՏԱՐԱՍՅԱՆ